

絲

絹

全

書

集卷之五

宛士程任卿校集

一戶部坐派絲絹咨文并府行縣帖文

徽州府為仰體

宸衷軫念民隱冒昧敷陳條例等事蒙 兵道馮 案驗

奉 都御史胡 案驗准 戶部咨前事該本部題

准都御史宋 咨行兵道馮 牌委徽州府推官舒

寧國府推官史 會同太平府同知龍 等官將徽

州府絲絹一事覆議均派今據各官會議看得絲絹

一節在歙縣則執會典為詞而曰此人丁絲絹也原

註本府安得獨累歙邑在五縣則執黃冊為詞而曰

此夏稅絲絹也原派歙邑安得加派五縣云云稽之
公議委各安妥相應俯從等因具呈申詳本院隨會
按院唐 詳議歸一候 戶部查議題
請明文至日施行等因咨部送司案查先該徽州府歙
縣民帥加謨等奏為懇乞

天恩查照 國典均豁偏累以蘇民困事又休婺初照續
五縣民人程文昌等奏為懇乞

天恩遵照

祖制俯查黃冊亟懲紊政奸民以肅法紀以一人心事又
歙民江子賢等奏為訴乞

天恩申明舊制均平賦役查正弊根以蘇久累疲民事又
該戶科給事中光 條陳徽州府人丁絲絹一節獨
派歛縣以致連年許奏俱經本部偕行本處撫按勘
議前來查得歛縣原奏執據

大明會典及部院歲派公文務欲將人丁絲絹均派六
縣其五縣原奏執據黃冊及該府誌書係獨徵歛已
二百年者今據撫按衙門及道府通查該府六縣每
年除夏稅秋糧外一應派徵起運存留錢糧通融總
筭於各項雜派之中照徭率所徵數內抽減歛縣銀
三千三百兩以分派之五縣是誠裒多益寡務取均

平以杜六縣之爭可謂善處矣但六縣之所告爭者在於人丁絲絹其所不爭者在於歲派雜項况雜項之在歛縣止多銀二千六百有奇今乃於內抽減銀三千三百兩則歛縣於雜派正額反少銀七百餘兩矣恐五縣之心未必帖服也又休寧縣較四縣雜派多銀一千六百餘兩今又加一千六百兩恐休寧之心亦未必帖服也又會典開載人丁絲絹止有順天八府徽州一府而每年造報實徵文冊順天府折絹二千一百七十餘疋則分派通涿大興等十二州縣保定府折絹四千四百三十餘疋則分派易祁清

苑等二十州縣順德府折絹一千八百九十餘疋則
分派邢臺等九縣永平府折絹九百一十六疋則分
派遷安奕等六州縣而獨徽州府止派歙縣一縣萬
一歙人指令之所抽減者曰此不均不平之雜派而
今均平之何為人丁絲絹猶獨累歙縣而弗均平之
也則釁孽愈滋而爭端何時可息要之民間常賦寧
可使之或輕或重不可使之一有一無蓋輕重特差
等之分民心易從此離派之多寡六縣所以無爭也
有無則懸絕之甚民心難服此絲絹之偏累六縣所
以有爭也今據撫按道府所覈雖云處於目前不免

遺爭於後日是以務湏立為必不可易之定規使六縣永久不得藉口而後可也今以至公之心而酌事理之當不必於撫按所議抽減之銀而別有加增分厘合將人丁絲折絹八千七百七十九疋零共該銀六千一百四十五兩二錢零照依咨內原派各縣銀三千三百兩之數即准人丁絲絹之數休寧縣人丁六萬七千三百八十四丁每丁派銀二分四釐有零即咨內派銀一千六百一十九兩三錢准折絲絹二千三百一十三疋有零婺源縣人丁三萬五百八十五丁每丁派銀二分四釐有零即咨內派銀七百二

十四兩八錢六分六釐准折絲綑一千五十疋祁門
縣人丁一萬七千七百四十五丁每丁派銀二分三
釐九毫有零即咨內派銀四百二十五兩四錢四分
四釐准折絲綑六百零八疋黟縣人丁一萬六百五十
六丁每丁派銀二分四釐零即咨內派銀二百五十
六兩七分四釐准折絲綑三百六十六疋績溪縣人丁
一萬九百九十九丁每丁派銀二分四釐有零即咨
內派銀二百六十四兩三錢八分三釐准折絲綑三百
七十七疋二丈其餘咨內派數仍該銀二千八百四
十五兩三錢八釐二毫零盡派歙縣人丁七萬一千

四百九丁每一丁徵銀三分九釐八毫零准折絹四
伯六十四疋二丈有零立此一定不移之則以為通
年派徵之常則既不失咨內扣減之數又不失

會典開載及部院歲派常額其中人丁派徵雖不免或
輕或重之分然不至於一有一無之懸絕也故在欽
縣既塞其偏累之訴雖多認亦所不辭在五縣無加
於抽減之數其各認亦自無說矣今准前因案呈到
部看得自法紀而言則 會典之開載甚明順天

等府之實徵可據而欽縣之奏既為有詞自人情而
言則洪武黃冊至今二百餘年久則難變而五縣之

奏亦為有詞今該撫按道府之所增損無非欲平其
心以息其爭也但入丁絲絹六縣之所告爭者歲徵
雜派則六縣之所相安者與其抽減於所安之中而
無以杜將來之釁訖若即此抽減之數以絕百年不
絕之爭而六縣雜派悉仍照舊徵派則其名尤正其
言尤順其事尤易而彼此之心尤服矣合候

命下移咨應天巡撫都御史及咨都察院轉行應天巡按
御史備行徽州府每年派徵雜項悉照六縣舊數毋
得增減分釐而人丁絲絹折價銀六千一百四十五
兩二錢零即照撫按抽出三千三百兩之數悉依分

加五縣多寡數目通年派徵其餘二千八百四十五兩三錢八分八釐有零盡派歛縣以足額數俱屬該府徵完或本色或折色類解南京戶部轉行送納庶幾見在之人心各得其平而將來之弊端永可杜絕矣伏乞

聖裁等因萬曆五年四月初五日本部尚書殷 等具題
初七日奉

聖旨是欽此欽遵擬合通行為此合咨前去煩照本部題
奉

欽依內事理欽遵查照施行等因備咨到院准此卷查

已該前院咨行去後今准前因擬合就行為此案仰
本道照依咨案備奉

欽依內事理備行徽州府每年派徵雜項悉照六縣舊
數毋得增減分釐而人丁絲絹折價銀六千一百四
十五兩二錢零即照部覆抽出三千三百之數悉依
分加五縣多寡數目逐年派徵其餘二千八百四十
五兩三錢八分八釐有零盡派歙縣以足額數俱屬
該府徵完戒本色或折色類解南京戶部轉行送納
毋得違錯等因奉此擬合就行為此仰府官吏照案
備奉

欽依內事理即行所屬六縣即將每年派徵雜項悉照各縣舊數毋得增減分釐而人丁絲絹折價銀六千一百四十五兩二錢零照部覆抽出三千三百兩之數悉依分加五縣多寡數目逐年派徵其餘二千八百四十五兩三錢八分零盡派欽縣以足額數俱屬該府徵完或本色或折色類解南京戶部轉行送納毋得違錯未便取各遵奉緣由繳來蒙此擬合就行為此仰縣官吏照依脩奉

欽依內事理查照遵行徵解併具遵奉緣由申府以憑轉繳俱毋違錯須至帖者

萬曆五年六月初七日司吏程汝安承

一舒爺過休寧准休民告詞申文

為申明

國法以彌變亂事照得本職奉 本府帖送婺源縣署
理印信准此已於本月二十二日起馬道經休寧縣
據該縣民程文昌胡文盛合縣里排耆老民人等擁
道連名呈稱百姓遵守成法權奸變制殃民勢壓無
容控訴情迫冒死求申

聖制則壞成賦恐有以強凌弱制立黃冊以防奸弊設律
嚴禁官吏人等有以私滅公妄生異議變亂成法者

新臣民恪守二百餘年無敢違越今被欵逆恃戶部
而變戶法以欵人而行欵私倡黨帥嘉謨等迭出奸
謀相應表裏妄將欵縣黃冊額徵田地起科絲絹捏
稱徵欵無據欺 奏橫派五縣且黃冊開載絲絹欵
縣一十五鄉或輕或重鄉有鄉無緣產制賦歷歷明
証絕與五縣人丁無預詎容舞文滅 制變亂版籍
將黃冊欵縣田土起科絲絹洒派五縣人丁代納切
思本縣地窄土瘠舊額每歲已多徵銀一千六百餘
兩民困已甚尚難措辦若使復納欵絲

國法安在民情何堪伏乞轉達上為

朝廷守法下為百姓除奸若權勢沮抑不念民瘼忍將
仁宗成法一旦更變萬民寧死必不順從縱彼薰焰終當
登聞等因據此緣係

國賊事理一旦更派本縣民情忿怒鼓譟不服若不及
時處分誠恐釀成大變為此合牒本府轉達施行
萬曆五年六月二十三日

一休寧縣申文

為申明

國法以彌變亂事據合縣里排耆老民人程文昌胡文
盛等連名呈稱前因等情據此看得

國家制賦原有定額歛縣夏稅絲絹遵行二百餘年今
乃改爲人丁加派五縣宜百姓之鼓譟不服也本縣
雖以奉有

明旨諄々曉諭鄉民惟知遵守

祖法紛紛告擾近日通縣人民耕者棄農賈者罷市甚至
五縣會議欲赴

闕上書以聲歛人變亂成法之罪欲興兵決戰以誅歛邑
倡謀首惡之人情實激切勢必不已事關五縣人心
終難威勢強服若不轉申鈞臺代爲區處誠恐變
生莫測貽害匪輕爲此申乞 上裁

萬曆五年六月二十四日申

一續溪縣申文

為懇豁絲絹事據合縣民人黃琬等連名呈稱絲絹
本歛田地額賦遵守二百餘年無變舊今豪宦竊弄
戶權奸移

祖制五縣遭毒績困尤深緣績地瘠民貧路衝役重正賦
難辦尚多逃亡減額橫派豈能代納愚民驟聞莫不
惶惧與其苛征遺患於後世孰若披情盡死於今時
勢在不已懇乞察情轉申復舊良善安生等因據此
叅看得絲絹銀兩原非額派催徵之令未行小民之

心洶湧若不預止派徵勢將激成大變卑縣心切傍
徨為此申乞轉達施行

萬曆五年六月二十四日申

一徐太爺安民告示

為曉諭地方事照得六縣皆吾赤子本府斷無偏厚
近奉 部劄分派絲綸一項雖經通行各縣尚未加
派於民間得休嫠等縣人民不服聚眾洶、深屬非
法若果不堪聽尔民赴 上奏告行府自當酌議處
分則事尚可轉移何得遽爾生累造端自取倡亂之
罪爾民各宜安心生理自保身家於中老成練達者

各相傳示曉諭如有故違該縣指名揭報以憑拿究
施行告示

萬曆五年六月二十四日示

一本府申各院申文

徽州府為仰體

宸衷軫恤民隱等事奉

都院勘劄仰將歙縣絲綸內抽出銀三千二百兩之
數分加五縣本府遵依通行歙等六縣去後續准本
府舒推官牒文據休績等縣各申稱歙縣夏稅絲綸
祖宗成法遵行二百餘年今乃一旦改為人丁加派五縣

百姓駭異豎旗鳴金聚衆洶、逼求轉申等情到府
隨經節遣牌面及示諭安集地方去後續據舒推官
揭稱休寧縣民人已經遵示散外看淨絲綸一項
據歙縣訴稱偏累而五縣原非額徵一奉加派鼓譟
相聞集衆喧嘩深為迫切若不及時區處誠恐一時
雖散後復蟻聚但原奉

明文本府未敢輕議合無通行呈稟俯賜區處以靖地
方庶民心可安而額派不致稽延矣緣係處分安民
事理理合具由呈稟伏乞

照驗轉達施行

萬曆五年六月二十六日申

一初門縣申文

為權奸變

制激變生民事據合縣民人陳正黃崖等告稱

國家成賦載在版籍奉例變亂者斬原歛絲絹耐麥起
科黃冊實徵明載勾軍帥嘉穀倚權安止五縣隨經
奏辯查冊委係該縣夏稅正額並與五縣人丁無干
續因職掌戶權殷某懷挾歛私違變

國制將歛額稅飛派五縣咨文甫下四封驚愕思初末
邑地瘠民貧較之歛縣產土不及百一稅重已過十

倍民多逋逃流亡正賦尚難輸辦權謀加派外稅民
命益切倒懸農商棄業士民扼腕衆口一詞思復
聖祖之舊制群情共憤誓誅首惡之奸謀勢焰逼凌情屈
激變茲承榜喻雖切安撫之真脰願茲荼毒難禁衆
心之洶湧若不告鳴禍生不測變出非常懇憐民瘼
脩申轉聞上復

祖制下安民生激切哀告又據槩縣里排讎岳寺呈為乃
軍倚仗權奸變亂成法激變生民事供惟

太祖高皇帝酌地起科隨土貢稅冊籍允定畝敢變更禍
緣歛縣乃軍帥嘉謨將歛縣額徵夏稅絲綸以

會典內開人丁二字倡率群奸恣行告奏希要休整
初縣續五縣通融代納五縣隨奏蒙徭行撫院移文
南京戶部會查後湖起科額則黃冊 撫按道府勘
議委係歛縣田土起科至今二百餘年傳流有據久
不容變陰懼權奸欲將歛之歲徵雜派抽減三千三
百之數分加五縣當時亦知成法難更曲為具咨回
覆李權屬本部殷尚書以歛稅而欺公視成法如故
紙仍依人丁加派縣牒題奉

欽依致蒙派徵切思賦有整齊因地酌宜十統乾坤版籍
是據假如歛之緣緒可以清派至於均費歛未一石

徵銀一兩四錢卅則二兩今錢均徭歛米每石食銀
不及三兩卅則四兩九錢雖災稔不平因遵憲度不
敢告擾今據歛縣抽派釐法則卅之偏重亦該通融
矣伏乞亟申以彌激衷情據此勘得民情皆願減
賦不樂加徵卅有不平輒生鳴籲今以歛縣緣緡派
及五縣民一聞之不勝驚惶怨聲四起地方騷動本
職深諭以

明旨之當遵彼則皆應以

祖宗成法之必不可變本職復諭以刑憲之可畏彼則復
應以無故加派之必不能堪卅民素稱馴良雖一時

鼓譟聲喧之態狀視各縣稍緩其不忍甘心額外之
加情比各縣更切誠恐派徵之令一下小民之群然
四起者有必不可禁矣若不預為申豁臨時恐釀大
變為此合行申乞 照驗施行

萬曆五年六月二十八日知縣姚三讓申

一舒縣安民告示

推官舒 示諭欽之縣綰二百餘年一旦分派各縣
宜民情之詢：不平也本職目擊心恫已經申府轉
達施行外今來署縣復見各里隱道號訴者無累萬
萬人情甚激切義不容緩今將沿途所收呈詞粘連

復申本府轉達務期必豁允我良民各安生理毋得
荒土廢事蓋本職以百姓之心爲心卽一夫一言之
及無不盡心圖之豈必聚衆棄棄然後動念哉爾等
在城者其卽日開市在野者其卽日歸農毋違我令
毋墮我愛乃見父母赤子一體之情故示

萬曆五年六月二十七日示

一報舒府事揭帖

原任尚書舒帥汪文輝揭帖為地方重情事生山中
臥疾遂成沉痾迄今三載例應休致顧區、徇馬私
衷不忘報

主廊廟遠歆閭閻疾苦夢寐之中敢、靖獻况本處地方
重太事情關

朝廷之紀法係黎庶之安危得於目擊豈容緘默先該
萬曆三年欽軍帥嘉議以該縣額徵絲綸引

會典無尋派欽縣字樣奏擬五縣萬曆四年五縣民
程文昌等奏查後湖黃冊案

准下戶部轉咨南京戶部會同南京戶科查對後湖自
洪武初輪黃冊以至隆慶元年經今二十一輪委係
歙縣從田地起科鄉里私隱係分縷析與五縣無干
抄有全冊轉咨撫按衙門發行本府間戶科都給
事中光具

題一款額定歲汰內稱徽州府人丁絲絹係當初暫借
歙縣充納徧累至今要行改正該戶部尚書殷
題覆不論舊額引蘇嘉等府均則事例縣以六縣丁糧
通融總算均汰又有歙民江子賢等奏稱後湖黃冊
係五縣吏弊正賦役不均之根源今日正課後根塞

源輩此弊政亦引蘇嘉等例欲行均派隨該本部復
為

題覆再申通融均派之議咨行撫按行府查實至萬
曆五年二月內太平府推官劉與太平府同知龍
會議明知該縣絲絹係干

聖制不敢別議將歛縣別項錢糧扒出三千三百兩分派
各縣以陰補歛縣絲絹之數兵備道副使馮呈巡
撫都御史宋常據回咨五縣人民以本府府縣官
俱不會議朝三暮四之術公道難掩衆心不服節告
新院及前院回咨到部本部

題覆不准撫按文移徑以綃數分派各縣行文至府出
給告示勸諭各縣於本年六月十一日到縣張掛愚
民乍見

祖宗舊制一旦更變驟然驚駭又聞帥嘉謨自京回還敘
縣士民花紅迎導譯示各縣正值署縣事通判徐

是日上京進表一時憤激簇擁縣衙連名具告乞
求申達大書敕某變亂版籍橫派絲綃貽毒五縣激
切赴

奏垂髫戴白衆情洶々奔走叫呼自暮達旦本府通判
徐諭代爲申請衆情稍安幸偶得聞員勝驚愕思

惟恐民百萬萬氣好聞又時伊附部歐辱士夫過絕
若辭親盡在卷萬一而相搆禍變不可測又各縣紛
擾傳聞不與睦睦日訛言佈散有操兵陡報趙把
總妄言藏府提兵壓境虞縣丞索揭首事會同拘拿
人心益懼續集喧擾沮本縣去府既遠又無正官安
戢輝等各鄉士夫俱避嫌疑不敢到縣蚩々衆庶俛
如狂聚如鳥合驚若魚散蓋至與石混而疑與憤
交終日風波勢固宜爾日臨泊滋恐數生變今蒙親
臨坐鎮乞隨密諭以安良善嚴加戒約以防奸宄
俯賜申達即宜抑鬱轉行

奏請以定驚惶況今

朝廷精明紀綱振肅上下大分無所假借往歲湖廣激
變事情從重處治今事體雖殊法度畫一於欽宦雖
為衆梓而尚書則國之大臣朦朧亂

制雖執有詞

明旨或違恐干憲典赴 奏于

上固為至情真并其名則為非分更乞預示俾出蠢之
民知畏法度情雖激切毋得紛擾諸在事情俱令者
民陳請聽

朝廷處分此目前之急務防變於意外者也至於變

龍版籍或是與非雖而下 奏揚王告紛、不一稱
竊謂

聖祖經畫區宇則壞成賦定之黃冊載在後湖豈真銖銖
豈容姦弊以刑部而不遵黃冊是吏部之不遵官制
刑部之不遵條律也今據黃冊歙縣一十六鄉有科
絲者有不科絲者有科絲二錢者有科絲四錢者大
約田土四千餘頃徵絲者止三千餘頃其中輕重又
自不同若謂各縣吏書作獎則該縣之自相區別者
又誰之獎也甚則歙郡志為各縣士夫私事豈該縣
無絲地如當時士民又與各縣相通乎今表詳

聖制指為莫源似此違民律條例在碑下撫按朱的據黃冊指實因咨正以通融之說委曲調停本部不知其詳似不淨而輕議之也今日所仰瞻者地方新任有撫按府縣任其責

朝廷執法有部院科道秉其公也將南京部科缺養全冊據實

題奏下南北各衙門從公會查要見

聖祖初定黃冊有獎無獎該部前後

題覆或公或私會典據何年黃冊而修郡誌據何年

改

准而史最老相傳有何指實耶移暫借有何明矣部終
行無按查勘未見回文光料獨指歛之偏累何所憑
據該料論錢糧額定不可增減部覆欽遵融以均
論何相背違撫按之調停也

聖祖之欽定孰當遵守本部之徑覆與否撫按之回咨又
何異同本部前引蘇嘉均則事例果是以此縣之所
有加被縣之所無否後引蘇直均則事例果是改
國初之成憲為今日之均平否通將彼此
奏詞前後文卷一一查勘定是非以別曲直一紀法以
安衆心庶保

祖宗二百年之定制不為紛更則地方數百萬之生靈自
獲寧一輝無見時人論事必曰天下勢而已矣勢重
不可反輝謂天下理而已矣而勢不與焉為
國家斷大策者論是非不論得失不惟一言決事而心
休泰然公論久定竟有得無失不然像違矯矜至於
破壞天下事而卒亦不免致君子貴將年也絲綸倡
議輝抱先憂預知微人角氣之風必有今日構結之
禍上書 當路必曰豫杜禍本揭報 撫按必曰預
塞弊端至謂不可以有司之體宜忍地方百年之遠
慮規摹宋 院恭諸循激切今各縣情激事勢至此

累事始萌猶可杜息其指斥之實惟知切齒於殿門
其號呼之狀惟欲求伸於官府其道切之情惟欲
求通於

君父終日叫囂我致變亂一夕九監本府親見
君門萬里何由脩知苟不辯別黑白詳悉具

奏輝恐

朝廷嚴肅

明旨在前萬一該部以舊日成心傳說謬妄一偏

題奏

朝廷據以處分則民情愈激潰決不收百萬生靈肝腦

塗地誤

國誤民不知其禍之所終而當事者罪有所歸笑所望
辨一府

奏揭之是非究五縣起霧之始末的確申達轉行
奏請上不朦朧以欺

君父下不掩飾以愚百姓中無顧慮以愧此心思阿徇一
人天下之公論必不容掩遷就一時百年之正案必
無所逃釋曾移書詰責殷許謂

祖宗之成憲二百餘年以本縣一朝之戶部而變亂之繼
能為幻於一時寧保於百年之後乎此不易之定論

輝之責倍於執事者

朝廷之法臣子之職天理之正人心之公也輝以巨
執議違衆時誠知衆人側目久欲甘心外用以
多方謀害內播飛語百計謀擊輝惟知守正理以順
其正命而已他又何知焉苟全一郡之生靈而一身
之利害天不足恤也茲懇惻建言為

朝廷謀為地方謀為當事者謀非為身家之謀也為此
具揭須至揭帖者

萬曆五年六月

日報

一舒翁署縣申文

婺源縣為仰體

宸衷軫恤民隱冒昧敷陳條例以裨

聖化萬一事萬曆五年六月初九日奉

都院

素驗議

將歛縣原徵絲絹分派本縣人丁三萬五百八十五
丁每丁派銀二分四厘共銀七百二十四兩八錢六
分六厘該絹一千五十疋帖行到縣派徵等因奉此
先該掌縣事本府通判徐 給示曉諭去後續照本
官賞捧進賀表箋本縣印烙改行本府推官舒 官
理遵於本年六月二十九日臨縣據本縣士民程德

用游廷詔鄭廷亮俞啟文等五千人民遮道哀告為
權奸徇私欺罔變制殃民懇乞中

奏以過亂畧以遵舊額以甦生靈事詞稱歛縣絲絹額
由田土起科冊載後湖歲徵歛供二百餘年無變陡
被歛刀帥嘉謨等板害五縣五縣人民程文昌等隨
激

奏訴已蒙該部駁稱

因朝定制遠有黃冊近有實徵可據咨行 南京戶部
院道查冊併府縣實徵查得絲絹委歛額納夏稅絕
與五縣人不無預詎歛宦殷 明倚戶部恣從變更

不遵

太祖冊籍不待前 奏訴問不行 撫按再詳竟爾罷
覆坐派思娶兵荒歲歉土瘠民貧正賦尚難輸辦人民
逃覓逃亡何況將歛額稅改加人丁代納民何堪命
縱行刑併之嚴民惟知有

太祖昔日之成憲不知有歛逆今日之變亂可生可死必
不代歛交納近被倚住附郭告則把截遠被倚任當
路 奏則沉摽控訴無門乞憐亟申復

制正逆庶版籍不被其變亂人民不被其流毒等情據
此申詳聞又奉 本府帖文為摘陳庫藏解約事宜

以禪

國計生民事仰縣官吏速具依准申報等因本縣人民
駭見帖內有綰字目催解思得緣綰係歛

國初虧麥補絲夏稅正額經今二百餘年實與藝民無
干陡被生奸妄 奏變亂成法乞亟申豁等因據此
參照得

國朝制賦以黃冊為定額輕重有無酌有成規不容一
毫私筆擅改更變者也歛之絲綰輸解二百餘年無
異今陡改為入丁加派五縣無怪眾情洵：本職到
縣掌印目擊萬民不勝激切農桑其耕甬罷其市私

訟不許公賦不輸惟以克復

祖制為心。聲除改制起霧之人為念。且五縣一心萬姓一詞。曉諭不能使服。威脅尤難強。若若不申

請除豁。非惟加賦不供。將使正賦日詘。且變生不測。為患匪輕。緣係民虞。激切重情。司民牧者不容坐視。擬合申稟為此。遵將前項緣由開具書冊申乞 照詳 明示遵奉施行

一舒爺中上司揭帖

欵緣之不當派地方事体憂深慮遠。詳具汪鄉宦揭

中其理甚著。且殷司徒所履徑改雜派而攤丁絲不由撫按而出。部議此民情之所以洵、不平也。卑職奉委縣印過休。則遮道數十里入婺。則號訴萬人。即多方曉諭。極力調停。不能平其奮激之氣。若不及時處分。將必釀成大變。所謂處分者。固非可以理論。亦非可以勢禁。惟歲報錢糧。暫將此項停徵。乞鈞臺速為

題請。則五縣有更生之望。而人情自貼然矣。但題請之說。直指其非。則於殷司徒微有不便而歛之心固未已也。惟乞

命下鈞臺轉行諸司

覆議俾六縣民心彼此允協然後施行倘議未停妥則此項錢糧仍令歛照舊輸納

國賦豈可一日虧哉汪卿宦鄉間杜門職過其里請與商議出而任事義氣所激不顧利害挺然以身當之卑職特罪地方又豈敢纖默自持坐視生靈之顛危而不為之一申訴哉伏乞

鈞臺俯念輿情速賜

奏請以安人心新安去南都不遠傳聞甚易倘

鈞臺

題請稍遲恐 臺省或有風聞具本先往未知可也更

乞

鈞臺移書殷司徒母執已見母拘成議母再妄舉以保身家然亦不可言之太過恐激其暴怒當今朝廷無姑息之政殷司徒復有另

旨倘窮究五縣首事之人則民心愈忿而愈不平新安之區將為戎馬之場而大禍不可言矣 府縣体統例不敢徑申但事勢窮迫設或稽遲干係甚大且歛附郭百姓告稱過絕申訴本縣文移不能馳達謹便宜徑請更乞 鈞府臨稟曷勝激切悚息

萬曆五年七月初四日申

一本府禁約

為禁仇害以安地方事照得本府所屬六縣近以告
爭絲綸互相仇怨視如秦越在歙縣所轄遇五縣人
民輒行歐辱阻絕生理在五縣地方遇歙商販肆行
趕打搶奪貨物豈惟彼此報復有乖紀法亦且啟釁
開端實招後患且所爭多係無干細民又何足洩其
不平之忿為此示仰六邑軍民人等知悉毋爭事體
自宜聽候上司及本府秉公釐分安得恣行私忿以
干刑憲自今敢有敢此仇害者許被害之人即赴該

縣登時口稟仰縣即將行兇之徒枷號示衆倘該縣偏護邑民不如法嚴治者許即赴府申訴以憑拿究并將該吏一體坐以阿縱之罪決不輕恕

萬曆五年七月初一日行

一兵道出巡告示

欽差兵備副使馮 為出巡事據報舒推官往婺源縣署印休寧遞道阻留婺源縣暨激變旗等因到道未委虛的諒爾鄉號稱鄉舉宜不至此為照絲綸一事殷戶部不自隱避果於

題覆致違院道之成議拂五色之通情爾等宜不能甘

無謂然業已奉

明旨矣殷戶部爾卿也可抗也獨不顧

明旨何耶即謂

君上過聽在臣子必不得已有伏

願陳訴而已延聚衆鼓譟以訛有司與稱亂者何異本道

誠念爾等無知本恐視他日蒙首誅也是用冒炎燥

歷各邑為爾等善後面所過之邑士夫父老有欲言

者各就本境相見在官人役各衙門伺候見畢俱回

本縣以聽處分如有隨途跟走群呼類引嚷亂有聲

者即係惡少棍黨漸不可長本道定照軍法網打監

候千碍職官定行奏

奏諸母違犯故示

又兵道安民告示

為出巡事照得欽縣以改派絲絲犯五邑之怒動六月之衆本道聞報而來巡歷各邑正恐一時衆憤勢不自由稍至干犯終蹈禍辟又以奉有

明旨遽難擅便意欲先行該府且免微派轉懇

兩院再為

題請行至石碓以天氣炎燥夫馬勞累牌約府縣正官赴休會議事當嚴分正不歇勞爾百姓也行至縣

聞休婺績士民扶老携幼聚聚千餘守候是本道懷
於署行教爾士民老幼匍匐遠道心甚憫之本道已
諭縣縣士民不許他往隨至初門士民亦已唯命又
至婺源此本道舊嘗署印當與士民盤桓數日其士
民之在休者從容回縣起見毋忙急觸暑毒自婺源
至休寧休寧士民亦止衙前候見不必遠接由府至
績溪遂親往西院訴爾五邑情詞請免加派以復
祖制本道一示之後斷乎不易諸百姓各回生理示後再
有喧嘩者必亂民也

朝廷法典必不相徇毋貽後悔須至示者

一初門縣通學全員呈道准詞

為乞遵

祖制以安民生事切惟

聖祖定制士民欽遵歷今二百餘年無敢變亂近被欽縣
帥嘉謨倡以絲絹妄扯五縣已經

題奏查額勘得欽縣絲絹原以麥稅起科絕與五縣無
干曾蒙撫按兩院勘實

覆奏悉遵

祖制如舊復乘欽宦某執掌戶權任由行私敢違
院道之成議變亂版籍之舊規混以絲絹捏

奏本丁飛派五邑於庇一邑之鄉曲逼變五邑之人心
郊外輟耕城中閉市群情共憤思誅首暴之奸謀萬
口一詞懇復

聖祖之成法欽承 明諭雖切安撫之諄、願惟鄉民難
禁憤心之洶、伏乞察情彌變轉日回天庭幾上遵
祖制下安民生為此具呈頂呈呈者

萬曆五年七月初五日生員吳守道 謝繼純

汪世榮等

一發邑民人告府准詞

為權奸變 制毒民懇乞申

奏救甦生靈事切惟田地供稅人丁當差自古至今率
守弗易我

太祖高皇帝區畫疆宇均天下田園戶口裁定版籍切無
不均之稅並無納稅之丁二百餘年無變陡被欵逆
某抗違款將欵邑額納夏稅係脩板害五邑先喉逆
民帥嘉謨江子賢等款

奏繼倚戶部恣送變置輒訕

太祖裁定之版籍為病根弊源泥儒臣纂脩之會典為可
信可據不待前奏許問徑行

題覆橫派不思某係欵人宜當依例避嫌不應借行欵

私既居戶部尤當秉公守法豈容龐

覆增減且絲絹由欵田土起科冊貯後湖有畝科絲四
錢者有畝科絲無錢者有絹絲者有無絲者有無輕
重一欵其不能均焉可扳及五邑通郡惟欵需庶獨
娶兵荒沱寺人丁差役錢糧通年尚且不支何況將
欵額稅改加人丁代納民豈堪命縱行刑併之嚴民
誰知有

太祖昔日之成憲不知有欵逆今日之變亂可生可死必
不代納且近被倚保附郭告則批截遠被倚保當路
奏則沉捺控訴無門號天無日幸際

撫治枯苗逢雨如錦五東復

制正逆庶版籍幾變而復定人民幾動而復安萬世衍

恩激告

萬曆五年七月

日程德用

鄭廷亮

游廷詔

一縣縣申文

為懇究亂制以安民生事據本縣民人李澤懷等

狀告前事詞稱欽乃節嘉慶安將該縣額徵夏稅絲

詆

制奏拔丑邑辦納蒙查明洪武迄今黃冊不容更變豈

倚戶部權勢挾制委官不拘五邑面審議將該縣額徵

國稅抽出三千三百兩牽合雜派壓洒五邑人丁代納不思夏稅秋糧原自

祖宗開闢照依郡邑大小田地肥瘠貢稅徵賦成法二百餘年一旦倚恃當路權勢恣後變亂增減民心何服切思黥縣土瘠民貧地衝差重較之歛縣富庶万不及一若損賦於歛而增賦於黥人民雖不敢變終必至於流離歷考往古禍亂率由紛更制度憤怨民心而始今幸仁天照臨蒼生有幸乞准轉達遵

舊制以安民命。突為萬代陰功。據此又據通學生員汪大倫胡應詔舒時英等呈為懇復

祖制以收人心事

國家制賦原有定額。歛輸絲稅。向無異論。禍因權宦變亂成規。橫派五邑。小民控訴無門。故爾洶々奮激。切念

朝廷大政法

祖為先

皇上深仁安民為本。況二百年之定制。豈容擅更。而五邑人之奮心尤難強服。呈乞仁鑒。作主轉申。

奏奪上復書一之

祖制下彌將變之人心則無辜赤子賴以更生而方代瞻仰在此斗舉矣等情據此參照

國家制賦本酌地以起科下民輸納當隨土而貢稅今以歛縣夏稅科絲恪守二百餘年一旦驟更派及五邑人丁代納吐民聞之莫不駭異本職切諭以明旨之當遵百姓惟執以

祖法之難變甚至不願輸納集衆紛告擾本職從上之令恤民之情當此兩難憂慮惶殆有不能一日以自安矣若不預為申豁誠恐不一人心別生異端

貽禍非輕為此咨行具申伏乞照驗轉達施行

萬曆五年七月

日申

一都院安民告示

欽差督撫都院示人下絲綃攤派五縣事經部覆奉有明旨詆敢不遵行即謂創加之日人稍疑難具訴

兩院可也陳奏

關廷可也何得聚衆擁縣輒為鼓譟果有之未及減已之差先已陷身大罪矣本院觀此申文不勝駭異即欲拿究以正法紀但念人衆且屬無知仰府督同名縣掌印官諭之以加派事小抗拒罪大之意各守分義

勿敗身家。攤派一節。應自五年起。本院會同按院與該道有司官另行詳議。批文到日。如有一縣一人敢倡言鼓衆者。該府肘鎖解院。先以軍法細打。然後問遣。決不姑息。故示。

又

督撫都院示。諭休婺初。點績五縣大小居民知悉。擁衆一節。事干多人。不爾窮治。係綏一節。查無舊額。爲爾。

題請本院。蓋屈法伸恩。寬大之至矣。近聞彼中士夫率其生徒二。三父老率其子弟。洵嘖嘖。猶復妄動無

乃以不貲之身輕試

朝廷之法耶本院謾則糾之以刑夫復何懼哉牌面到日即刻解散如仍驚擾官府或再有後言掌印官即時緝縛解院重究干碍勢豪併究不貸

一拿帥嘉謨牌面

兵道馮 為督撫地方事萬曆五年七月二十日奉都院胡 憲牌據徽州府申稱奉文派到休寧等五縣緝緝遂有休養居民鳴金建旗聚眾鼓譟等因到院據此看符歛縣緝緝已經徵解二百餘年今照奸軍帥嘉謨妄行

奏派又以緊縣津貼之費輸納冠帶諄張梓里以致五
縣居民憤恚不平聞然群聚已經本院會同

按院具

題外為此牌仰本道官吏即便密拿帥加談正身到官
發府監禁聽候

明文至日究問施行等因奉此理合就行為此牌仰本
府官吏即便密拿帥加談正身到官如法監禁聽候
明文至日究問施行毋得疎緩罪究不便須至牌者
一都院憲牌

督撫都院 示諭婺源縣大小居民知悉絲絹銀委

非舊額。基然加派爾寺情委不堪。然當哀詞投訴。今
暨旗擁衆逼挾官府。則無

國法矣。訪求其失。皆由汪時陳憲光金伯樞程記王慶
之主謀生事。已行拿究外。此外一無所問。爾寺見示
之日。各安生理如初。絲綃一節。已經會同按院為爾
寺乞

恩

聖德廣大。當必寬從。爾寺但聽減豁。百無疑畏。如再敢有
造為浮言。鼓惑衆聽。及爾寺爭訟別事。假此攀訐。希
圖准詞者。縣官輕則責治。枷號重則肘解。本院細打

八十然後重究不恕。

萬曆五年七月

日牌

一按院安民憲牌

為議處絲絹以安民心事。按徽州府徐知府呈稱近奉加派休寧等五縣絲絹銀兩，百姓不堪，迫切求為題免等情，已經出示，令其靜聽處分。近聞百姓尚懷疑未信，今已會同撫院

題請定為爾民豁免訖，合仍曉諭為此牌仰徽州府即差人賁示休寧等五縣百姓知悉，各宜安心生理，聽候成命，至日施行，毋得迷憤，妄自作孽，未便

萬曆五年七月

日牌

又

為嚴禁謠言鼓衆以靖地方事照得休寧等縣近因
絲綃銀兩已經會同撫院處分具

題候請

明文至日施行外訪得六縣百姓尚爾不念身家各懷
仇忿謂無為有指虛為實造出訛言傳報四方欲以
嫁禍於隣境且聞歛人又阻截五縣之人肆行毆害
使道路斷截不敢往來夫人心不相遠爾欲求勝於
彼則彼亦欲求勝於爾以若所為不至於釀成大禍

不已也絲絲事小作孽事大暗有鬼神明有

國法一蹈反逆他日殺身破家悔將何及為此合行出
示曉諭凡我良民各要洗心安分聽候

明文嚴分勿信訛言勿懷異念以性命身家為重以耕
讀經商為本痛加改過各求自新毋蹈前轍敢有仍
造訛言潛地害人者該本縣官徑拿解院以憑重遣
諸色人等有能據實陳告或鄉紳送所在官司者重
加給賞決不食言須至示者

仰府將發來告示六道分發歛等六縣張掛曉諭具

由繳

萬曆五年七月

日示

一、娶民訴冤訖帖

帖訴為顛天殄罪事愚民無知誤犯大獄情激可憫
冒死上訴哀乞

天臺轉達超生地方幸甚生靈幸甚

一、訴擁眾倡亂

夫事不干自己而聚集兇徒出入鼓譟者罪也本縣
地瘠民貧正賦苦難輸辦六月間奉 徐爺比併南
糧示令里長各帶排年赴比本縣里排共有一千五
百餘人在縣聽比時憂南糧未完陸續奉

明文加派絲絹一千五百餘疋除縣富戶領解外入丁
該派出銀七百五十餘兩挑錐傭菜之流疲癯殘疾
之輩各受累人非嗟惶又兼以兵爺行限勒徵繳
取依准甚嚴愚民不勝駭憤一刻之間里排相聚遂
有千餘是里排不約自集而非克徒聚集之比里排
不約自議而非克徒聚議之比至於倡亂謗誣無根
其禍益起把總趙涑領兵守婺日久心切思歸無係
欵人為欵樹幟因見里排聚議乘夜撤兵回府詐令
欵兵遍佈流言誣傳道路要誣婺民倡亂以致風聞
上司據報交部構成大獄夫倡亂之罪所犯匪輕倡

亂之實。須要的據。民六月廿七日。徐爺膏

捧往京。身等里排千。入晚送。廿餘里至二十八日。

舒爺臨縣署中。身等里排千人迎接。二十五里士樂

民。惟並無喧亂。七月初一日。舒爺謁廟行香。生員

擊鼓講書。毫未廢禮。與縣僉押吏書升堂。盡外毫未

廢事。不意里排參拜之時。陡有歛快王學來縣投落

文書。架言歛人。將銀七百兩。托付府書程鳳買通戶

吏程德煥。賂緣依准文書。認納絲絹。一時愚昧。不料

歛詐衆。遂擁捉德煥。叢打生員。并鄉老人朱鑑。急勸

亦被毆傷。彼懼下縣。爺坐堂不敢亂擾。思得紫陽書

院與縣廳止隔一牆衆請虞縣丞老舍前往書院究
追德煥賊銀未一刻間知縣欵詐衆即擡送回縣衣
冠整然毫無干犯里排人等隨已解散貼靜無異痛
思舒爺竭

廟師生未廢講升堂僉押吏書未廢印錢糧遵限完納
使客依禮迎送庫獄無虞城池無恐公差無拒文書
無阻道路未塞官常未改言或喧嘩愚民自相咀誓
已耳未嘗放言以犯上人雖擁聚愚民乍惑浮言自
相攻訐已耳未嘗持械以傷人揆之於情非為亂
稽之於事未有亂坐以倡亂情極無辜伏乞詳察

一訴插旗議奏

夫事不干自己而插旗議

奏者罪也。本縣山民性朴。惟知遵守

皇祖定制。不敢違悖。一聞欵變成法。橫派緡賦。將致蘇松
白糧亦得援例攤派。版籍紛々。何時能定。身家固難
保持。子孫受害無已。各思逃移。有民人程夫昧者。懼
無以聯民心而安戢之也。造旗一面。插豎郊外旗上。

直書欵官某。倚居戶部擅改。

祖制。變亂版籍。橫洒絲緡。貽毒五邑。激議

奏。各母驚惶。夫插旗為集難民也。非激變也。議

奏為復

祖制也。非傷配也。伏乞詳察。

一訴逼挾求申

夫事不干自己。而逼挾官府者。罪也。無奈歛焰薰天。勢難與敵。程文昌等。

奏訴不蒙提審。徑覆江子賢毀謗。

聖祖不蒙據疏正罪。程裨董法捧疏赴。

奏行至臨清。被歛兇追捕截回。游詔胡三赴。

院告訴。被歛兇搜狀打回。本府轄歛地利。告則速死。上司遠隔千里。天高聽卑。非伏。縣主之丞申則下。

情不得遠達乎。入各院。非有人民怨哀鳴。則申。縣主又俱得罪於權豪。且得取辦公庭。激稟速申。言語慳切。聽之似通。人衆喧言。聽之似快。其實求申而非通。快也。伏乞詳察。

萬曆五年八月

日

一徽州府申文

為仰体

宸衷軫恤民隱冒昧敷陳條例等事照奉 部院劄付仰
將歙縣絲絹抽出銀三千三百之數分派五縣本府
遵依已經通行所屬去後五邑人心不服聚眾洶
本府已經通行申呈 各院道間今又據休婺祁黟
績五邑署縣事推官舒 等申據各縣士民程德用
等呈稱歙縣絲絹額由田地起科冊載後湖歲徵歛
供二百餘年無異陡被歛刀帥加謨等妄
奏板害先該五邑民人程文昌等

奏訴當蒙該部駁稱

國朝定制遠有黃冊近有實徵可據咨行院道查冊併府縣實徵查得絲絹委歛額納五縣絕無干預今戶部曉我坐派不遵

祖制思得五邑土瘠民貧正賦厨欠何況代歛輸納民難堪命縱加刑併民惟死守

祖宗成法非因據此該推官舒等參照得

國朝制賦以冊為定歛之絲絹遵納已久一旦更派無怪衆情洶各官目擊士民擾攘輟耕罷市私事不營公賦不輸且五縣一心萬姓同詞曉諭不能使服

威勝猶難強從者不至請轉

奏除豁則民情憤怒大變將作一郡生靈干係匪輕合
行呈稟等情到府着得絲絹一事在敕縣以

會典人丁為詞

奏其偏累之苦在五縣以黃冊實徵為據訴其板害之
情俱各題奉

欽依該戶部備咨前來以經前院行委太平府推官劉
牛會勘得額徵原有定規難以擅更而雜派隨時盈
縮可以轉移况歛縣除絲絹之外雜項差徭視五縣
尚多銀二千六百有零且附郭之邑勢多派取故議

以絲綃仍供於欽而五邑量其大小雜差之中共加銀三千三百兩以解附邑之累而平彼此之爭該本道覆議申詳前院俱經

題覆後該戶部看得六邑之所爭者在絲綃而所不爭者在雜派况絲綃均攤有內八府之例而雜派多寡係一定之則故銀數不加多但議易以絲綃名目已經題奉

欽依依咨轉行到府遵奉抄行各邑間今據休婺等五邑所呈民情駭異洵屬非常非敢於違

明旨而抗法紀盡由殷司徒職司

國計據法自信不暇引嫌却顧故五邑藉口以飲人
而私議歛稅則已邑之舊有加之邑之奉無不察其
體國之公而指屬鄉邑之私乃敢聚黨揭旗道路
喧嘩本府竊惟五邑之衆既不可勝誅且天未嘗撓
公法而獨欲與歛構私仇即今農不返耕商不出途
萬衆一心四民失業老幼違心籲天控訴歲由本府
山川峭激所產之人剛悍負氣得於天性故忍衆泰
死而不悔此禮義所不能喻而刑罰所不能威已
該本府躬自撫慰安輯費遣但地方雖未失事而愚
民則已聚擾百下雖各寧家而人心尚未帖服及今

若不廢分。將來必成大變。豈惟絲綸一事不能早完。而百万生靈將為魚肉。伏乞體念歛縣之減額。新奉明旨。既不可以輕議五邑之增科。群情憤懣。尤有難於強派相應。由賜。

題請。俾彼此無爭。而量為酌處。使正賦不虧。在歛縣仍蘇其偏累之苦。而五邑可免其額外之征。以六邑之賦。解六邑之紛。不必分公家之費。積惟正之供。而可以服百萬之心。彌十郡之患。歛縣惟鈞臺裁酌施行。庶地方不致他虞。而額亦不致稽延。矣。係系酌議。事理。即仰詳奉。

萬曆五年正月十一日

一五邑激赴 都院告詞

為權奸挾私籠

奏變法毒民事伏覩

大明律凡官吏人等挾私欺公妄生異議變亂

成法及增減稅糧朦朧

奏請幸久事發者皆置重辟豈欲以軍帥嘉謀妄以黃

冊該欽縣額定夏稅絲絹 奏板五縣身并赴辦蒙

准下戶部咨行下撫按轉得南京會冊衙門查明後湖

黃冊起自洪武十四年欽縣奏從田地起科每畝有

科絲四錢者有科絲二錢者亦有筵菜科絲者條分
縷析相承二百餘年頗與五縣無干不期殷尚書一
操戶部恐黃冊一明公論難掩不待查冊問報影借
戶科條陳朦朧

覆議又將逆民江子賢等所訛黃冊乃病根弊源之語
准咨撫按在撫按明見黃冊係干

祖制曲議均平除補絲綸在權奸明欺黃冊可以改變徑
將絲綸橫派天下權奸倡和上下符同鉅江肆詆毀
之妄其擅廢亂之機立可扶同彼倡和致毫末臣
等果可惡耳然當甲於吾徵賦稅自難一例今乃減

富邑本有之。夏稅加。瘠邑本無之人。丁徭封。驚惶。賦不貼席。農輟其耕。賈罷其市。頽遐遠下情。難以上達。奏則觸尚書。囑。嶠之虎。告則歛衆。爲蜀城之狐。控訴無門。嗷。待斃。所望。當道仁天。爲下民作主。爲。

朝廷守法。庶。

祖制不改。貧民猶可更生。如逆倚勢。怙終不亟改正。則小民但知遵守黃冊。萬死爲。

朝廷守法之民。決不與叛法之逆。戴天共土也。乞。憐民患。亟賜。

奏聞。保全民命。扶持。

國是生靈幸甚激告

萬曆五年八月

日程文昌

程德用

胡國用

一五邑激赴

按院告詞

馬懇奏復

制事欽縣田土起科緣緒妄扳五邑代

納身寺與碑

如謨寺

奏許三年未經拘勒殷戶部

挾私欺用朦朧

題覆勢壓洒派群情激切懇復

祖制乞准

奏請將原會查部科抄發黃冊便見常賦有歸亂

制有屬庶免貽毒萬靈百代陰功激告

萬曆五年八月

日程文昌